

ანდრია ჯალმაიძე - ფილმში გეი წყვილის სიყვარულზეა ლაპარაკი და ეს სრულად ენინააღმდეგება, რასაც ქრისტიანობა ქადაგებს



გეი წყვილის სიყვარულზეა ლაპარაკი და ვხედავთ, რომ ეს არის სრულწინააღმდეგობაში იმასთან, რასაც ქადაგებს ქრისტიანობა, – ამის შესახებ საქართველოს პირველ არხს საპატრიარქოს პრესსამსახურის უფროსმა, ანდრია ჯალმაიძემ ფილმზე „და ჩვენ ვიცეკვით“ საუბრისას განაცხადა.

მისი თქმით, „საპატრიარქო არავის არ შეუერთდება“, თუმცა ამ ფილმის პროპაგანდა მიუღებელია.

„არაფერს ახალს არ ვიტყვით, თუ ვახსენებთ იმას, რომ ეკლესია მუდამ წინააღმდეგია რაიმე სახის გარყვნილების პროპაგანდისა. ანალოგიური დამოკიდებულება გვაქვს ამ შემთხვევაშიც, რადგან ვიცით ამ ფილმის შინაარსი – გეი წყვილის სიყვარულზეა ლაპარაკი და ვხედავთ, რომ ეს არის სრულ წინააღმდეგობაში იმასთან, რასაც ქადაგებს ქრისტიანობა“, – განაცხადა ანდრია ჯალმაიძემ, რომელიც ამ საკითხზე საპატრიარქოს განცხადების გავრცელებას არ გამოირიცხავს.

„ბავშვთა უფლებების დაცვის საზოგადოების“ თავმჯდომარე გურამ ფალავანდიშვილი აცხადებს, რომ ფილმის „და ჩვენ ვიცეკვეთ“ პრემიერაზე მაყურებლებს თბილისისა და ბათუმის კინოთეატრებში არ შეუშვებენ. „ბავშვთა უფლებების დაცვის საზოგადოებას“ მხარს უჭერს ყოფილი დეპუტატი დიმიტრი ლორთქიფანიძეც. ის არ გამოირიცხავს, რომ „ამირანსა“ და „აპოლოში“ ჩვენების დროს ელექტროენერგია გაითიშოს.

ფალავანდიშვილის განცხადებით, 8, 9 და 10 ნოემბერს კინოთეატრების პიკეტირებას მოახდენენ.

ltv.ge